

क्यूँ दिन घालो,
आशा पूरदयोजी,
ओ जी म्हारा,
खाटू वाला श्याम,
देर करया,
पत थारी जयासी जी,
ओ जी म्हारा,
खाटू वाला श्याम ॥

ताली दे दे हाँसे लोगड़ाजी,
ओजी म्हारा आप सुँवारो काम,
यो मनड़ो इब गम ना खायसी जी,
ओ जी म्हारा,
खाटू वाला श्याम ॥

आस घणी थारी म्हानें साँवराजी,
ओजी थे तो आवो करके लाम,
यो टाबर गुण थारा गायसी जी,
ओ जी म्हारा,
खाटू वाला श्याम ॥

दूखण लागी आँख्यां डीकताँ जी,
ओजी बाबा अहलवतीरा लाल,
निरख-निरख मन माँ हरषायस्याँजी

ओ जी म्हारा,
खाटू वाला श्याम ॥

काला बादल गरजै शीश पै जी,
ओजी थारो दुःख हरता है नाम,
श्यामधणी कद दर्शण पायस्याँजी,
ओ जी म्हारा,
खाटू वाला श्याम ॥

रात च्यानणी धोली दूधसी जी,
ओजी थारै शरणै काशीराम,
साल सवाई खाटू आयस्याँजी,
ओ जी म्हारा,
खाटू वाला श्याम ॥

क्यूँ दिन घालो,
आशा पूरदयोजी,
ओ जी म्हारा,
खाटू वाला श्याम,
देर करया,
पत थारी जयासी जी,
ओ जी म्हारा,
खाटू वाला श्याम ॥

Singer Shyam Singh Ji Chouhan



Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZjyhhKzSUD-Lt9Tw>